



20
21
22
23
24
25
26
27
28
29
30
31
32
33
34
35
36
37
38
39
40
41
42
43

吉130
854.1
部-16





金石錄卷四十四

賜進士出身 誥授光祿大夫刑部

唐四

汝南公主墓誌銘

石橫廣二尺四寸高一尺四寸十
入行字數十一至十五不等行書

大唐故汝南公主墓誌銘 并序


公主諱字繼西扶道人

皇帝之第三女也天潢疏濶圓折浮夜光之采若木分

暉瓊華日朝陽之色故能聰穎外發閑明內映訓範生

知尚觀綴於女史言容成則猶習禮於公宮至如怡色

唐四



金石萃編卷四十四

賜進士出身 誥授光祿大夫刑部右侍郎加七級王昶撰

唐四

汝南公主墓志銘

石橫廣二尺四寸高一尺四寸十
入行字數十二至十五不等行書

大唐故汝南公主墓誌銘 并序

公主諱字隴西狄道人

皇帝之第三女也天潢疏潤圓折浮夜光之采若木分
暉穠華口朝陽之色故能聰穎外發閑明內映訓範生
知尚觀箴於女史言容成則猶習禮於公宮至如怡色

就養佩帔晨省敬愛兼極左右無方加以學殫綿素藝
兼輦秩令問芳猷儀形閨闈口年口月有詔封汝南郡
公主錫重珪瑞札崇湯沐車服徽章事優前典屈九地
絕維四星潛曜毀瘠載形哀號過禮繭纈不議垣酪無
噉灰琯亟移陵塋浸遠雖容服外變而沉憂內結不勝
孺慕之哀遂戊傷生之性天道祐仁奚其冥漠以今貞
觀十年十一月丁亥朔十六日

世南汝南公主銘起草洛陽王護處見摹本云真迹
在洛陽好事家有古跋後十年見迹在故相張公孫
直清處其後止貞觀十年十一月丁亥朔十六日癸
小字注云赫赫高門在裴丞相家是其銘然此幅文
但至空而止行下有空白紙猶空十一字此蓋卒日
猶未言葬也闕文尙多安得便言赫赫高門不當後
幅却與前幅不相連屬也其前標紅綾色如新有名
幾元題其標云故祭酒崔十八丈綽嘗與寇章賀拔
基皆以賞鑒相尋每稱服膺虞書多歷年所自會昌
以來時觀斯帖因致其真隸有加頃年崔丈每送子
兄弟下第東歸必云此去獲見汝南帖亦何減於昇
第邪所惜者闕其銘文耳咸通二年春於存神室輟
獻子凝良足嗇愛也幾元不知何人也虞帖爲時所

重如此

米芾書史

虞永興汝南公主墓誌起草真跡米元章嘗見之元初在郭祐之處後不知所在亦不知何年入石按元章云予臨汝南帖浙中好事者以爲真刻石今觀此刻字勢長而肥頗類米筆又張氏本十六日下有闕文校之良是然無芴注字赫赫高門等語及幾元題字雲煙過眼錄記郭本有米跋今亦不存

文徵明甫田集

右汝南公主誌無書撰姓名宣和書譜海岳書史皆云虞世南書藁本也碑題云大唐故汝南公主墓誌銘又云公主皇帝之第三女也按列傳太宗二十一

女汝南公主居第二此云第三豈傳誤耶近于常熟錢遵王處見宋搨銘文皆全叩碑題之次有諮議參軍柳顏言釋智果秘書監虞世南書三行又改添三字古本之妙如此

金石錄補

誌文具舊藏帖本內已闕其後半首叙公主諱字皆不載唯云隴西狄道人皇帝之第三女也某年月有詔封汝南郡公主新唐書諸公主列傳汝南公主早薨其行次在第二今誌在第三誌又云屬九地絕維四星潛曜毀瘠載形哀號過禮不勝孺慕之哀遂戊傷生之性蓋以哀毀自隕者考長孫皇后薨於貞觀

十年六月誌所謂九地絕維卽指其事公主方屬童
稚卽毀生至此亦奇女子也

授堂金
石跋

按碑題公主諱字隴西狄道人皇帝之第三女也
汝南公主是太宗次女碑作三女或是摹刻之誤
固無論也新唐書公主傳但有汝南公主早薨六
字則諱字無從考矣高祖本紀稱爲隴西成紀人
則公主亦當仍其貫不知稱狄道者何也地理志
狄道縣屬臨州狄道郡成紀縣隋屬天水郡開元
中徙廢是開元以前成紀縣存而兩地隔遠並非
一縣更名也思之殊不得其故末云貞觀十年十
一月丁亥朔十六日此自是公主卒日文德皇后
以是年六月己卯薨十一月庚寅葬蓋月之四日
也文云繭纊不襲者是寒冬時語云灰瑫亟移陵
塋浸遠者是十一月葬皇后時事然則皇后葬後
十二日而公主薨也文云塋酪無啗字書無塋字
說文啗嗟也廣韻啗嗟憂聲也集韻啗听笑也一
曰啼不止諸說不同皆與塋酪文義不屬禮雜記
云功衰飲水漿無鹽酪不能食食鹽酪可也此當
是鹽酪二字書鹽爲塋訛爲塋也則啗疑是滋字
之別體謂食鹽酪無滋味也正與上句繭纊不襲

意相合遂戍傷生之性玩文義戍當是戚借爲滅
字謂毀滅性也

裴鏡民碑

裴本高廣行字

皆無考正書

隨故益州總管府司馬裴君碑銘

并序

粵惟上德希世挺口存則道照於人倫沒則名飛於史
策宜其計功代鏤鍾鼎永貽長世昭示後昆君諱鏡民
字君倩河東聞喜人也唐虞之盛伯益控其遙原殷周
以還仲衍有其餘慶徽則擅美當塗憲則流芳中夏金
張舊業遠謝聲塵江漢英靈多慙光價祖靖慮魏銀青
光祿大夫汾州刺史銀章青綬登高能賦揚波流惡政
以口口父口漢周車路大夫儀同三司晉州刺史雅道
儒風聲動當世班條布政恩結去思君上表雲氣遠膺
星像虛牛與貞固同歸愛景共口凝一致懸河若訥每
恬智囊止水口神日開靈鑿及擇師請益遊方問道性
與摯古心照神文佩游夏之芳塵爲潘張之益友立人
之道仁義靡遺事親之德愛敬同盡迹屈衡口聲馳上
國莫府交辟公車致禮晉蕩公受博陸之口處阿衡之
寄爲其諸子精選府寮辟爲譚公大將軍記口府中爲
其口曰令德日新裴鏡民昔口越爲其世子辟王安期

取其儀形之口口濟崇其府望辟阮嗣宗重其文學之
譽我貽羔鴈兼而口之等丁內艱去職木車方駕金革
在辰喪禮未躋多從口奪朝廷以君羸口過甚特許終
哀口動風俗皆此類也建德初以君爲宋王口讀尋授
記室叅軍遷司錄宣文口年授吏部上士攝少吏部研
幾汲引之方遊刃銓衡之地能官在口咸事無迷大吏
部竟陵公卽有隨之滕口也亮拔不群英姿秀發重君
才行深見褒獎每口裴楷清通之望復見斯人開皇受
禪其日除尙書左口兵郎尋改爲兵部侍郎魏晉以還
臺郎顯要官方始革揚塵是膺是非器重望口無以躡
斯禮秩華陽地險控御遐長蜀王秀以口子之口擁旄
作鎮寮屬望重妙簡時賢以君爲西南道行臺兵部侍
郎及行臺廢除口州總管府掾尋兼益州總管府司馬
蜀王年止勝衣童心未改文口佐吏口非口人君言必
盡忠行惟直道省府之內無不敬而憚之口臺民部尙
書陳茂情恃惟舊心多慢下雖口口乖方無敢違異惟
君口口抗直未嘗口旨兵部尙書京兆杜杲每謂人曰
不值盤根錯節不表利器裴君匪躬口監可謂美矣開
皇十六年西南夷口口從構亂君總率士卒應機致討
後軍不繫戰危喪律以三月癸丑朔十九日辛未陷口

○庭季路結纓志無苟免○序銜須義不生辱永懷斯
道羊君之平生風烈焉惟君靈府浚徹神口開敏英略
外明沈幾內斷培風自遠背丹穴以來儀口氣不群口
青雲而孤竦許口月旦之論韞義生風黃童日下之聲
乘虛效響彈冠莫府掌記文房媚韶景以揚華肅清風
而振藻珥筆南口垂纓西蜀戎事之重必司口政蒐狩
於是得時風霜以之順序北口月於東曹又典午於南
正矣能口重義安馬革以輕生神道口口口口口口口口
口車口口野祭口口捐珠而巷口西蜀父老至于今思
之君第二子太僕少卿洛州都口口長史上桂口翼城
縣開國公勣口口道於口口構丕基於口緒口四序之
遜口觀萬物而永言思龔遺範式昭貞石其銘曰
口督遠派大寺流光美哉地德鬱矣口芳高門鍾口世
口旗口鵠鴻接翼金玉其相惟君載挺道符人俊灼灼
外明溫溫內閤瞻之忽後口靈峻抱月澄清含風口
韻口口資口公府馳名永懷喪制易俗申情口掌書記
不屬銓衡清通之譽遠嗣家聲口皇在辰萬象咸鏡口
仰之府六口軍政列宿上膺中和俯咏永懷神道斯人
斯口層梁受口青口口風口口紀口籙口銘功柏庭永
闕泉路斯窮九京不作口靈開口明口重口分茅錫社

直宏達通機識命仕石季龍累官右光祿大夫司徒太傅封安定郡公卽碑所云憲則流芳中夏也世系表云東眷裴德歡長子澄字靜慮後魏州刺史澄子景漢字仲霄後周車騎大將軍景漢子鏡民隋兵曹郎鏡民子熙載兵部尙書熙勤洛州長史碑云祖靖慮魏銀青光祿大夫汾州刺史父漢周車路大夫儀同三司晉州刺史此官位較史表爲詳至鏡民與熙勤則更詳矣然表體自是如此無嫌畧也碑又云建德初以君爲宋王口記室參軍遷司錄宣政口年授吏部上士攝少吏部建德爲周武帝建元至七年三月改元宣政六月帝殂宣帝嗣立明年改元大成是宣政只一年碑所泐者乃元字也周明帝有三男第三名寔字乾辯出後文帝子宋獻公震建德五年進爵爲王卽以君爲記室參軍也文獻通考職官考後周有吏部中大夫一人又有小吏部下大夫一人掌貳吏部之事領司勳上士等官此碑云授吏部上士攝少吏部似卽小吏部或通考訛也碑又云開皇受禪其日除尙書左口兵郎尋改爲兵部侍郎此卽表所云兵曹郎也碑又云華陽地險控御遐長蜀王秀

擁旄作鎮以君爲西南道行臺兵部侍郎及行臺
廢除口州總管府掾尋兼益州總管府司馬隋書
列傳庶人秀高祖第四子也開皇元年立爲越王
未幾徙封於蜀三年進位上柱國西南道行臺尙
書令歲餘而罷碑所稱蜀王秀卽庶人秀也據碑
則秀雖罷行臺而鏡民仍爲司馬也碑又云開皇
十六年西南夷構亂君總率士卒應機致討後軍
不繫戰危喪律以三月癸丑朔十九日辛未陷口
口庭季路結纓志無苟免此則鏡民之卒年月日
也隋書高祖紀十六年不書西南夷構亂事

十七年二月癸未太平公史萬歲擊西寧羌平之
晉書庚子上柱國王世積討桂州賊李光仕平之碑所
載者不知卽此事否不能定其孰是也此碑爲李
百藥製殷令名書令名唐書無傳述書賦注有云
令名陳郡人畫家傳云陳司農卿不害子金石錄
云令名與其子仲容皆以能書擅名一時筆法精
妙不減歐虞則令名卽仲容之父也唐書百藥傳
貞觀元年拜中書舍人封安平縣男四年授太子
右庶子遷散騎常侍進左庶子宗正卿爵爲子久
之乞致仕卒年八十四是其製此文亦在致仕之

年矣道照於人倫照疑是昭字計功代代當作伐
幕府作莫府裴楷作裴楷喪律作喪律或借用或
別體也

温彦博碑

碑連額高一丈一尺七寸五分廣四尺四寸三十六
行行七十七字正書額題唐故特進尚書右僕射虞
恭公温公之碑十六字
篆書今在醴泉縣昭陵

唐故特進尚書右僕射上柱國虞恭公温公碑

首闕泐三行當是
撰書篆額人銜各

昔者帝媯升靈九宮奮其庸有周誕命六卿揚其職
鈞揜公□□□□□□□□□□歸於臺□□□□□□□□

□□□□□□□□□□□□□□□□□□□□□□□□□□

□□□帝載□□德□□□□□□□□也若夫昴宿麗天

感其靈者人傑嵩嶽鎮地降其神者□楨□□□於龍

□□□□□□□□□□□□□□□□□□□□□□□□□□

□□□□□□□□□□□□□□□□□□復□□□公□原

□人□□□□□□□臨系姬文之遠胄派唐并之遙源食

邑河內世功開其緒著□晉陽□德□其□雖□□□

□□□□□□□□□□□□□□□□□□□□□□□□□□

□□□□□□□□□□□□□□□□□□□□□□□□□□

祖裕魏太中大夫言爲准的行成表綴廊廟翹□摺紳

於括兄行慈惠之心洽於猶子允所謂朝廷之棟幹

□□□□□□□□□□□□□□□□□□□□□□□□□□□□

□□□□疾□□□□□□□□□□□□□□□□□□□□□□

□□□□□□□□□□□□□□□□□□□□□□□□□□□□

櫪之奠既地土豎之灾□□□造銀青光祿大夫□□

□□□□□□□□□□□□□□□□□□□□□□□□□□□□

□□□□□□□□□□□□□□□□□□□□□□□□□□□□

忘於舉能子顏啓是情存於慎救眇焉千載於斯一揆

六月□日薨於□□□□春秋□□□□□□□□□□□□□□

□□□□□□□□□□□□□□□□□□□□□□□□□□□□

□□□□□□□□□□□□□□□□□□□□□□□□□□□□

公唐儉王部侍郎盧義恭護喪行中書侍郎□□□□

□□□□□□□□□□□□□□□□□□□□□□□□□□□□

□□□□□□□□□□□□□□□□□□□□□□□□□□□□

□□□於昭陵之側并給東園秘器賻贈主千段喪

葬所須並□官給□祖送□□□□□□□□□□□□□□□□

□□□□□□□□□□□□□□□□□□□□□□□□□□□□

□□□□□□□□□□□□□□□□□□□□□□□□□□□□

也密陵當陽晉朝之賢輔也雖復卿雲摛思班爾運奇

勒銘由□□□□□□□□□□□□□□□□□□□□□□□□□□

齡云名喬高士廉云名儉顏師古云名籀而皆以字
行倫喬儉籀在唐無所諱不知何避而行字余按顏
之推家訓云古者名終則諱之字乃可以爲孫氏江
南至今不諱字也河北士人全不辨之名亦呼爲字
字固爲字尙書王元景兄弟皆號名人其父名雲字
羅漢亦皆諱之其餘不足怪也又顏師古匡謬正俗
載或問人稱字而不稱名者何也師古考諸典故以
稱名爲是蓋當時風俗相尙如此初無義理也然師
古旣立論以稱名爲是而乃以字行殆不可曉也已

金石錄

右唐歐陽詢書虞恭公碑在陝西近時陝西人苦於

應酬日竊殘毀勢將不可永矣

陳循芳洲集

此碑已久壞下大半皆漫滅不可讀市兒取其存者
重刻之約得四百餘字余初見之驚喜求全本三十
餘年不可得後得一本乃工已截去壞字彙爲行茫
不獻闕處亦僅五百餘字而已余深爲惋惜最末始
得此紙乃未裝者數之有八百廿餘字

墨林快事

此斷碑已亡其半名字皆莫可攷唐書溫彥博遷中
書令進爵虞國公尙書右僕射薨贈特進謚曰恭蓋
虞言其國恭言其謚溫言其姓也碑有高麗字者卽

史諫與高麗抗禮事也碑云無功于月氏卽史戰敗
没于突厥事也碑云李綱見禮者卽史云李綱歎異
其卿相才也其爲彥博無疑矣

金石
評攷

虞恭公溫彥博也碑今在醴泉縣墓所存七口餘字
碑雖斷闕尙有可按而考者新舊唐書本傳但稱父
君悠北齊文林館學士隋泗州司馬碑有祖裕魏太
中大夫此兩史所未有也兄大雅嘗著創業起居注
三卷故曰文終創業也彥博兄弟三人少爲太子洗
馬李綱所器故曰下堂見禮也彥博每奉使入奏聲
韻高朗響溢殿庭故曰韶音玉振也高祖武德八年
六月突厥寇定州八月并州道總管張公謹與賊戰
於太谷敗績中書令溫彥博没於賊故曰無功於月
氏也史稱太宗立突厥歸欵始徵還授雍州治中而
碑言又以公爲東北道招慰大使卽系無功月氏後
與史不合疑史有誤太宗紀貞觀十年六月壬申以
中書令溫彥博爲尙書右僕射十一年六月甲寅薨
此云六月正與史合而舊史稱年六十四新史稱年
六十三惜碑文斷闕無可考證大段碑文所記較史
爲備而史旣不詳碑又斷闕正不獨年數多寡爲參
差無據也公父舊史作君悠新史作君攸兩史亦不

相合惜碑亦闕失無可考 史稱歐陽詢卒於貞觀

間年八十五此碑書於貞觀十一年當是率更最晚

時作後四年尙有小楷千文計書此碑時亦已將八

十矣 虛舟題跋

今在醴泉縣北二十五里烟霞洞西昭陵南十里碑

已漫漶可識者僅存四百字 雍州金石記

按彥博陪葬昭陵而此碑字畫殘缺諸家所見多

寡不同今此拓本幾及千字為最多矣全碑凡三

十六行行七十七字通計二千八百餘字則是所

存者尙三之一也碑於恭公姓氏諱字里居皆泐

歷官亦闕畧不備碑云祖裕魏太中大夫魏書無

溫裕傳惟晉書溫羨傳羨子裕字叔嗣尙武安公

主官至左光祿大夫與碑言太中大夫者不合然

羨是太原祁人與恭公同貫未知卽一人否也碑

又云太子洗馬李綱直道正辭羽儀海內新唐書

李綱傳綱字文紀觀州蓀人少慷慨尙風節事隋

為太子洗馬然則恭公為綱所下堂見禮乃隋時

事也傳又云隋亂幽州總管羅藝引為司馬藝以

州降彥博與有謀授總管府長史封西河郡公召

勞鳳池垂紳鸞閣環姿月舉韶音玉振每至文武
在列華裔口庭云云攷隋書百官志隋制無中書
舍人惟內史省條下有舍人八人通事舍人十六
人後改通事舍人爲謁者臺職謂之通事謁者
凡二十人謁者臺掌受詔勞問出使慰撫持節察
授等事碑有文武在列華裔口庭之語正屬謁者
臺所掌則通下泐一字必是事字乃通事舍人傳
以爲中書舍人者非也碑又云出奔高麗旣而乘
轅南反詔公銜命蕃境申明臣節是公在隋末嘗
奉使高麗正是謁者臺之事傳乃云高麗貢方物
高祖欲讓而不臣彥博執不可云云此在唐高祖
朝非隋末事與碑不同碑又云無功于月氏又以
公爲東北道招慰大使下云屬天地橫口又云遷
夏商之鼎艾綬銀章弔旌先于髦俊建社班瑞光
寵屬於勳庸天地橫口遷夏商鼎皆指隋亡唐興
之事則無功於月氏仍屬隋末事傳皆不詳其云
突厥入寇彥博以并州道行軍長史戰太谷王師
敗績被執囚陰山太宗立突厥歸欵得還碑則云
徵爲中書舍人屬獫狁縱慝疆場大駭十萬之師
方絕大漠五餌之術必繫單于云云當卽指突厥

入寇事公之被執囚陰山或碑泐不傳也傳又云授雍州治中尋檢校吏部侍郎復爲中書侍郎遷御史大夫檢校中書侍郎事貞觀四年遷中書令封虞國公十年遷尙書右僕射明年卒年六十三贈謚曰恭陪葬昭陵是公之卒在貞觀十一年也碑但有檢校吏部字虞字及春秋字六月字餘俱泐而又有拜太子右庶子食邑三千戶則傳所無也昭陵卽太宗陵太宗以貞觀二十三年八月庚寅葬公以十一年六月卒而碑云昭陵之側并給東園祕器蓋當時陵名先定也太宗本紀貞觀十年十一月庚寅葬文德皇后于昭陵是先定陵名之證矣碑又云孝敬之道移于哲兄慈惠之心洽于猶子哲兄指大雅傳稱大雅性至孝與弟彥博大有皆知名猶子無攷大雅大有之子傳皆不詳碑又云詔民部尙書莒國公唐儉工部侍郎盧義恭護喪盧傳無攷唐儉傳儉在高祖時爲禮部尙書天策府長史檢校黃門侍郎莒國公貞觀四年自頽利還歲餘爲民部尙書百官志注高宗卽位改民部曰戶部故碑與傳尙稱民部也碑書言爲准的以准爲準字林云准與準同此碑已作准字

知非近代俗書矣方絕大漢玩文義當作大漠對
下必繫單口單下泐一字當是于字謂單于皆指
突厥也

皇甫誕碑

碑高七尺六寸廣三尺八寸二十八行行五十九字
正書額題隨柱國宏義明公皇甫府君碑十二字篆
書在西
安府學

隨柱國左光祿大夫宏義明公皇甫府君之碑

銀青光祿大夫行太子左庶子上柱國黎陽縣開國
公于志寧製

銀青光祿大夫歐陽詢書

夫素秋肅斂勁草標於疾風叔世艱虞忠臣彰於赴難
銜須授命結纓殉國英聲煥乎記牒微烈著於旂常豈
若豐起蕭牆禍生蕃翰強踰七國勢重三監其有蹈水
火而不辭臨鋒刃而莫顧激清風於口口抗名節於當
時者見之宏義明公矣君諱誕字元憲安定朝鄜人也
昔立効長丘樹績東郡太尉裂壤於槐里司徒胙土於
彤門是以車服旌其器能口口其勲德銘功衛鼎騰
美晉鍾盛族冠於國高華宗邁於纁袽備在史牒可略
言焉曾祖重華使持節龍驤將軍梁州刺史潤木暉山
方重價於趙璧口口口口奇采於隨珠祖和雒州贊

治贈使持節散騎常侍車騎大將軍儀同三司膠涇二
州刺史高衢將騁遽天追風之足扶搖始搏早墜垂天
之羽父口使持節口騎大將軍開府儀同三司隨州刺
史長樂恭侯橫劍桂杵威重冠軍掛瑞蕃條聲高勃海
公量包申伯稟嵩山之秀氣材兼蕭相降昴緯之淑精
據德依仁口貞體道含章表質詎待變於朱藍恭孝爲
基寧取訓於橋梓鋒剝犀象百練挺於昆吾翼掩鴛鴻
九萬奮於溟海博韜肯產文瞻卿雲孝窮溫清之方忠
口口救之道同何充之器局被重晉君類荀攸之宏圖
見知魏主斯故包羅衆藝囊括群英者也起家除周畢
王府長史榮名蕃牧則位重首寮祿服睢陽則譽加上
客旣而蒼精委馭炎運啓圖作貳邊服寔資令望授廣
州長史悅近來遠變輕詵於雕題伐叛懷柔漸淳化於
緩耳蜀王地處維城寄深鑿石建旗玉壘作口銅梁妙
擇奇材以爲僚佐授公益州摠管府司法昔梁孝開國
首辟邠陽燕昭建邦肇徵郭隗故得馳令問于謁館播
芳猷於平臺以古方今彼此一也尋除尙書比部侍郎
轉刑部侍郎移步紫庭光暎朝列折旋丹地譽重周行
俄遷治書侍御史彈違紕慝時絕權豪霜簡亘繩俗寢
貪競隨文帝求衣待旦志在恤刑况網泣辜情存緩獄

授大理少卿公巨細必察同張季之聽理寬猛相濟比
于公之無冤但禮闈務殷樞轄寄重允膺此職寔難其
人授尚書右丞洞明政術深曉治方臧否自分條目咸
理丁母憂去職哀慟里閭隣人爲之罷社悲感衢路行
客以之輟歌孝德則師範彝倫精誠則貫徹幽顯雖高
曾之至性何以加焉尋詔奪情復其舊任于時山東
之地俗异民澆雖預編民未行聲教詔公持節爲河北
河南道安撫大使仍賜米五百石絹五百匹公輜軒布
政美冠皇華之篇擁節觀風榮甚繡衣之使事訖反命
授尚書左丞然并州地處叅墟城臨晉水作固同於西
蜀設險類於東秦寔山河之要衝信蕃服之襟帶授口
并州揔管府司馬加儀同三司公贊務大邦聲名藉甚
精民感化黠吏畏威屬文帝劔璽空留鑾蹕莫反楊諒
率太原之甲擁河朔之兵方叔段之作亂京城同州吁
之挺禍濮上雖無當璧之地乃懷奪宗之心公備說安
危具陳逆順翻納魏勃之策反被王悍之灾仁壽四年
九月溘從運往春秋五十有一萬機口殲良之歎百辟
興喪予之悲切孔氏之山頽痛楊君之棟折贈柱國左
光祿大夫封宏義郡公食邑五千戶謚曰明公禮也喪
事所須隨由資給賜帛五千口口三千石惟公溫潤成

性夙表白虹之珍黼黻為文秀挺雕龍之采行已窮於
 六本蘊德包於四科延閣曲臺之奇書鴻都石渠之秘
 說莫不尋其枝葉踐□□隅辟越箭達犀飾之以括羽
 楚金切玉加之以磨礪救乏同於指困親識待其舉火
 進賢方於推轂知己俟以彈冠存信捨原黃金賤於然
 諾忘身殉難□□命輕於鴻毛齊大小於沖襟混寵辱於
 靈府可謂□□雅俗冠冕時雄者也方當亮采泰階參
 綜機□豈謂世逢多故運屬道消未展經邦之謀奄鍾
 非□□□世子民部尚書上柱國滑國公無逸以為邢
 山之下□□□仲之墳□陵之東皆知子孟之墓乃雕
 戈勒石騰寶飛聲樹之康衢永表芳烈庶葛亮之□□
 □禁之以樵蘇賈逵之碑魏君歎之以不朽乃為銘曰
 □后□□□□□□人物□□□□□世逢時翼主膺
 期佐帝運榮經綸執鈞匡濟門承積慶世挺偉人夜光
 愧□朝采慙瓊雲中比陸日下方荀抑揚元□□□□
 □□□□□□□□□□伏□青□曳裾朱邠名馳碣石
 聲高建禮珥華憲臺握蘭文陛分呈裂土建侯開國輔
 藉正人相資懿德中臺輟務晉陽□□□重府□□聞
 震□亂階萑草災生剪桐成師搆難太叔興戎建德効
 節夷吾盡忠命屯道著身歿名隆牛亭始卜馬鶴初封

翠碑刻鳳丹旆圖龍煙□□□□□□□□□□德永
□□□

右隋皇甫誕碑余嘗得誣墓志又得此碑以考北史
及隋書列傳云誕字元慮而碑志皆作元憲傳云隋
高祖受禪為兵部侍郎數年出為魯州長史開皇中
復為比部刑部刑曹二侍郎遷治書侍御史為河南
道大使及還奏事稱旨令判大理少卿明年遷尚書
右丞以碑志參攷誕自司徒主簿出授長史俄除益
州總管府司法徵授比部侍郎蓋未拜兵部而其為
河北河南安撫大使乃任右丞時皆史家之謬惟墓

志稱誕嘗為司徒主簿而碑不載傳與墓志皆云為
魯州長史而碑作廣州則疑碑之脫漏墓志乃葬時
所述然碑亦貞觀中其子無逸追建不應差謬而不

同何也金石錄

皇甫君名誕仕隋死於漢王諒之難者卹典殊不薄
後以子無逸貴於唐始克樹碑噫逝者有知能無麥

秀之歎乎舟州山人藁

碑舊在鳴犢鎮今在西安府學戍子余君房督學作
亭覆之丙申亭圯壓碑中斷碑故剝二十餘字至是
又亡其五十餘字石墨鐫華

皇甫明公之碑在信本中最高為妍潤此立于隋日乃
公少年所書宜其文采之流麗而神情之曠適與其
暮年老筆奉勅矜持者不同也

墨林快事

皇甫君以仁壽四年九月卒而不書立碑年月按舊
唐書于志寧傳貞觀三年累遷中書侍郎太宗命貴
臣殿內宴怪不見志寧或奏曰勅召三品以上志寧
非三品所以不來太宗特令預宴即加授散騎常侍
行太子左庶子累封黎陽縣公則此碑貞觀初立也
其不書年者不以隨臣而蒙唐號也 隋字作隨虞

世南孔子廟堂碑歐陽詢九成宮醴泉銘王知敬李

衛公碑高宗李英公碑天后順陵碑于敬之華陽觀

王先生碑裴灌少林寺碑皆然當日金石之文二字

通用自司馬溫公作通鑑以後始壹用隋字而水經

注瀕水東南逕隋縣西隨字作隋則知此自古人省

筆之字謂文帝始去走而為隋者未必然也 杜氏

通典武德九年六月太宗居春宮總萬機下令曰依

禮二名不偏諱今具官號人名及公私文籍有世及

民兩字不連讀者並不須諱避此碑中有世子及民

部尙書字

金石文字記

按誕子無逸初事越王侗王世充篡斬關出追騎及

之乃解金帶投之地騎爭下取帶得免歸唐同州刺史益州長史所至輒閉關不通賓客所須則市之他境常按部宿民家燈炷盡主人將續進無逸輒抽佩刀斷衣帶爲之其孤介若此然過自矜慎每上奏必讀十數過猶懼未審使者上道猶追者再三來齋金石刻考

碑書於唐高祖之世趙明誠金石錄注云貞觀中立顧炎武金石文字記亦列此碑於貞觀間按史誕子無逸拜民部尚書累轉益州大都督府長史皆在高祖之世此碑但稱民部尚書未稱益州長史則當是高祖時書又史稱歐陽詢以貞觀初拜太子率更令宏文館學士封渤海男此碑但稱銀青光祿大夫不書率更令渤海男其爲高祖時書無疑但考舊史于志寧以貞觀三年授散騎常侍行太子左庶子累封黎陽縣公與碑正合又似貞觀初書然唐人最重諱褚遂良聖教序書於高宗之世世字尙有關筆民字尙以人代况當太宗之世豈有不諱之理而世字民字皆無關定當是高祖時書其于志寧官代或亦出高祖所授而史誤書耳 誕字元憲碑可據而北史及隋書皆稱元慮當以碑爲正至其所歷官爵碑與

史繁簡不同當由史法例不悉載金石錄以為史家之謬非是

虛舟題跋

此碑在咸寧之鳴犢鎮墓前不知何時移入文廟內與廟堂碑對峙其碑陰有復唯識記唯識者禪院名也記稱在藍田縣蓋宋時重修此院鐫記於皇甫碑陰後人重歐書移於文廟趙子函未嘗親至碑下故既載皇甫碑在西安府學又載唯識院記在藍田耳

鳴犢去藍田不數里而近

雍州金石記

碑文多與史不合隋書本傳誕字元慮安定烏氏人碑則云字元憲安定朝那人本傳高祖受禪為兵部侍郎出為魯州刺史碑則云授廣州長史益州總管

府司法無兵部及魯州兩節本傳叙遷治書侍御史

後為河南道大使還判大理少卿明年遷尚書右丞

以母憂去職起轉尚書左丞碑則云遷治書侍御史

授大理少卿尚書右丞丁母憂起復詔持節為河北

河南道安撫大使入為尚書左丞此並當以碑為正

碑子民部尚書滑國公無逸追建

關中金石記

右皇甫誕碑信本題銜稱銀青光祿大夫亦在碑末

與醴泉銘同隋書稱誕安定烏氏人北史稱安定三

水人而碑云安定朝那縣名互異碑稱父璠長樂恭

金在去新卷四十四
三
侯按周書及北史璠封長樂縣子不云進封侯石已
中斷損四十餘字下方剝落一片又失九十餘字銘
辭漫漶不可識者又五十六字

潛研堂金石文跋尾


按此碑爲于志寧製歐陽詢書志寧題銜稱銀青光祿大夫行太子左庶子上柱國黎陽縣開國公
新唐書于志寧傳貞觀三年爲中書侍郎太宗嘗
宴近臣特詔志寧預宴因加散騎常侍太子左庶
子黎陽縣公是時議立七廟云云禮樂志載立七
廟事在貞觀九年高祖崩後則志寧之加太子左
庶子在三年以後九年之前矣歐陽詢題銜但稱
銀青光祿大夫與他碑之題太子率更令者異詢
本傳貞觀初歷太子率更令百官志率更寺令一
人從四品上文散階從四品上曰太中大夫此云
銀青光祿大夫是從三品階與于志寧同矣志寧
時官左庶子正四品上階當正議大夫封開國縣
公爵當從二品而用銀青光祿大夫似介乎二品
三品之間也詢銜不署率更令又不署渤海男而
但署階又與官爵不符所未詳也碑稱府君卒于
仁壽四年碑爲世子民部尙書上柱國滑國公無
逸所立新唐書無逸傳高祖以無逸本隋勳舊尊


遇之拜刑部尚書封滑國公歷陝東道行臺民部
尚書遷御史大夫時蜀新定詔無逸持節巡撫後
被譖毀得白復拜民部尚書是無逸兩爲民部尚
書計其時亦當在高祖太宗之間也益州司馬裴
鏡民卒于開皇十六年而碑立于貞觀十一年亦
是其子所追立大書樹碑歲月于銘後此碑事同
一例而獨無歲月頗疑當時或在碑陰或在碑側
搨者失之耳雍州金石記稱此碑陰有復唯識記
是宋時重修此院所鐫安知年月不爲所掩若疑
此碑爲隋時所立是詢少年所書則斷然非也碑
稱皇甫誕爲安定朝那人隋書本傳爲安定烏氏
人唐書皇甫無逸傳爲京兆萬年人攷太平寰宇
記朝那本漢三水縣地屬安定郡隋大業元年分
安定鴟狐二縣地置良原縣又曰朝那城後魏大
統元年自原州百泉縣徙朝那縣於此又曰保定
縣本漢安定縣隋以縣屬涇州地有烏亭史記云
秦惠王取其地置烏氏縣屬安定郡莽曰烏亭有
烏氏故城卽烏氏也此二縣皆屬涇州安定郡又
曰萬年縣屬在馮翊隋開皇三年改萬年爲大興
縣屬雍州唐武德元年改大興爲萬年屬京兆郡

要之朝那烏氏其地相近而與萬年迴隔當由誕
初貫家于安定至無逸則遷于京兆也朝那烏氏
在隋唐間已無此名而碑與史猶稱之者各從其
舊也碑又云昔立効長邱樹績東郡太尉裂壤於
槐里司徒胙土於彰門按朝那皇甫氏最顯于後
漢之皇甫規然考後漢書規傳以較碑所云長邱
東郡二語皆不合惟所稱太尉似卽指規之兄子
嵩漢靈帝時以破黃巾功拜太尉亦見後漢書又
北魏書安定皇甫光兄椿齡薛安都婿也隨安都
於彭城內附歷位司徒諮議岐州刺史碑所稱司
徒似卽指此碑又云曾祖重華使持節龍驤將軍
梁州刺史祖和雍州贊治贈使持節散騎常侍車
騎大將軍儀同三司膠涇二州刺史父口使持節
口騎大將軍開府儀同三司隨州刺史長樂恭侯
北周書皇甫璠傳璠安定三水人也後徙居京兆
焉寰宇記三水故城漢書地理志三水縣屬安定
郡隋唐間爲安定縣至德二年改保定與朝那烏
氏同在一境其云後徙京兆者卽指無逸時也周
書傳又云璠父和木州治中大統末追贈散騎常
侍儀同三司涇州刺史隋書皇甫誕傳祖和魏膠

州刺史父璠周隋州刺史證之以碑然後知和贈
膠涇二州刺史周書單舉涇州隋書則單舉膠州
矣周書璠傳璠孝閔帝踐祚封長樂縣子保定中
進驃騎大將軍開府儀同三司建德三年授隨州
刺史六年卒贈交渭二州刺史謚曰恭所載與碑
合則碑闕父名乃是璠字騎上闕字乃是驃字惟
傳稱子諒大象中位至吏部下大夫而不及誕則
誕要卽諒之弟而其時未顯也以隋書誕傳與碑
參攷傳云周畢王引爲倉曹參軍碑則云起家除
周畢王府長史傳云高祖受禪爲兵部侍郎出爲
魯州刺史開皇中復入爲比部刑部二曹侍郎碑
則云授廣州長史蜀王擇僚佐授公益州總管府
司法尋除尙書比部侍郎轉刑部侍郎傳云遷治
書侍御史爲河南道大使還判大理少卿遷尙書
右丞母憂去職末期起視事轉尙書左丞碑則云
遷治書侍御史隨文帝授大理少卿尙書右丞丁
母憂奪情持節爲河北河南道安撫大使反命授
尙書左丞傳云漢王諒爲并州總管誕拜并州總
管司馬碑則云授并州總管府司馬加儀同三司
傳云煬帝卽位徵諒入朝諒謀作亂誕流涕諫諒

怒囚之抗節遇害詔贈柱國封宏義公謚曰明碑
則云屬文帝劍璽空留楊諒作亂仁壽四年九月
溘從運往春秋五十有一贈柱國左光祿大夫封
宏義郡公食邑五千戶謚曰明公彼此參校詳畧
先後同異如此碑云尋詔奪情復其舊任奪情二
字始見于此碑書素秋蕭致致卽煞字廣韻云俗
殺字白虎通云金味所以幸何西方煞傷成物幸
所以煞傷之也是煞本與殺同義疊起蕭牆疊卽
疊字遽及追風之足天當作跋橫劍檉枒枒當作
桓彈違紕隱紕當作紕卽糾字馬獠初封廣韻云
俗作田獵字非此似借爲獵字又借爲鬣字皆別
體也于志寧撰文而畧曰製則與李百藥製虞公
公碑同





金石萃編卷四十四終

金石萃編卷四十五

賜進士出身 誥授光祿大夫刑部右侍郎加七級王昶撰

唐五

張琮碑

碑高七尺二寸三分廣三尺六寸三分三十行行六十字正書額題唐故口口光祿大夫張府君碑十二字篆書在咸陽縣雙照村

唐口口口光口口口口口刺史上柱口口口口口

光祿大夫口口口口庶子黎陽公子口口撰

夫口口口丞龍興口口口天立極夷難開口口口多

士以經綸駕群雉以戡翦然則輕車飛將靡刺舉之方

擁節褰帷無折衝之略其能入陪乘石戎章肅於鈞陳
出撫名藩文德被於江介摠英謀以挺秀敷善政以退
征見之使君南安公矣君諱瑋字文瑾武威姑臧人也
夫運籌帷幄名口王傑之先立効井陘功居八王之首
屬金行不競寓縣分崩涼王建定亂之勲成割地之業
洪源將導江而俱遠層構與干雲而共高龜組相暉青
紫交映備在簡謀可略言焉曾祖誼魏驃騎將軍涼州
刺史黃門侍郎散騎常侍武威郡公剖符作牧恩重壘
書執戟從官榮隆夕拜祖嵩周驃騎將軍鄜城郡太守
死王事贈上柱國瀛州摠管河北莊公分竹宰民化光
露冕臨難殞命節重結纓父辯隨上柱國使持節秦州
諸軍事秦州摠管潭州摠管左武衛大將軍河北郡開
國公建旗江表息結湘流橫劔禁中聲高文陛惟公摠
煙霞之秀氣秉川岳之淑精器寓深沉風調爽逸文口
叶上將之略大樹表將軍之威躬挺縱橫綴幡爲戲少
懷慷慨聚米成圖超武安以振威邁淮陰以賈勇加以
豕磨道德黼藻仁義砥名勵行聞諸鄉黨資孝爲忠形
乎家國少習文史尤工騎射沉沙滅竈旣練之於兵書
持短入長亦精之於劔術公釋褐隨奮武尉于時東夷
未賓阻遼水以爲固頻擾黃龍之戍亟侵驪菟之城隨

煬帝親馭貔貅以誅梟鏡公壯踰投石捷類舉旗命賞
疇庸以居其畝特蒙標異授朝散大夫尋除新鄭縣令
公濟以寬猛施以韋絃遂使軍父興謠藿蒲息盜善政
旣著俄遷潁川郡丞此乃魏室之舊都胡公之故國元
冠成列朱輪接軫公綬之以淳化肅之以嚴威千里揚
風百城仰德時屬隨人委馭海縣沸騰或裂壤而鳴張
或分星而口視丹野塗地漂杵溺駉徒懷王允之心空
軼賈生之矣旣而晉野降白雲之瑞秦川開赤玉之圖
稷俾於是遷虞張陳所以歸漢 高祖太武皇帝御

紫極而統天坐廳扈而則地文爲治本資德教以化民
武以除殘藉干戈以靜難擇賢分職量器授官除公驃
騎將軍仍加上開府昔霍氏勲高沙塞任重中權黃君
望亞鼎司寵光口府以今方古彼何足云尋改授左衛
中郎將劉武周稱兵馬邑結援龍城挺禍汾陰連橫河
曲秦然今上龔行天口公陪從戎麾蒙授左三摠管公
智包三略勇冠六軍運奇謀以抗千里舞勁劍而摧八
陣兇徒旣殛反旆還京除左衛長史其中郎將如故王
世充早事隨口口以戎旃曾無勤王之心翻肆問鼎之
志莽卓未足方其罪泥豷豈得比其辜遂使宗社淪胥
懷生板蕩竇建德同惡相濟共爲犄角王師運九變之

金石錄卷四十五
謀搃□□之士風馳電掃拉朽摧枯公預官度之勳叅
峭陵之捷按功追賞超絕等倫劉黑闥建德餘孽尚蓄
狼心擁兵趙魏構難漳滏騁其豕突未革鴟音□□

口慕此一戎遂清九宇於是稽天息浸飛岳口塵飲至
策勲蒙授上柱國封南安縣開國侯食邑七百戶又檢
校叅旗軍副又檢校左領左右中郎將儲闈口口衛率
近臣侍奉委之以正人爪牙寄之以心膂貞觀元年授
太子左衛率又檢校右武衛將軍左領軍將軍四年蒙
授雲麾將軍行左衛率如故於是警口口坊恪勤晨夕
標羽儀於甲觀擅風流於望苑十年授銀青光祿大夫
行睦州刺史方當斑六條於勁越哥兩岐於全吳望俗
變文身風移鑿齒紹還珠於口口追降鳳於潁川豈謂
日口難翻閱川不息忽感何祗之夢遂同聲伯之悲貞
觀十一年十二月之任在道寢疾薨於宋州館舍春秋
五十有五痛結察執口口行人孝行受名謚曰懿公禮
也卽以十三年二月十一日遷厝於始平之原惟公德
方琬響照荆岫而騰暉材挺棟梁茂鄧林而聳幹破楚
入郢之略平口口齊之謀彈壓六奇籠蓋十策陳力草
昧之始立効雲雷之初功著升陔勲高戰牧執戟武帳
八舍稟其軍容受律戎軒四按佇其神筭加以地居右

威望□□卿帝鄉近親莫之比盛祖母李景皇帝

之女贈信都郡大長公主母竇隨文帝之甥夫人長孫

文德皇后之姊尚主嬪王光華帝戚魚軒鶴口

映濯龍未嘗富貴嬌人恒以盛滿為戒方應驂八駿

之駕高宴瑤池陪七佐之遊問道異野豈謂九轉之方

莫効十枝之景難留奄切頽山忽悲幽壤子口口子振

等恐炎涼迭代星紀循環海變三山谷遷九地所以鏤

勒石播美騰芳譬東都之前永識滕公之墓潼亭之

側長標太尉之墳乃為銘曰口口口口口口口口口口

口口茂緒眇眇長瀾七葉輔漢五世相韓績叅經啓業

預艱難代摠衡變世襲衣冠山瀆降靈煙霞誕祉比德

珪辟齊芳蘭心衛升浮光照車蘊美縱橫韜略口口圖

史運屬交喪時逢七剝爭竊寶符競窺帝錄禮廢禮祀

口毀龜玉兇甚拔山暴踰比角天地初闢光華方旦破

袁奇策滅項神筭受脈除殘執柯靜難口口三傑績隣

十亂霧徹雲銷功成治定屢典交戟頻膺寵命裂壤恩

隆分麾禮盛儲坊述職江臬從政歲月易度生涯若浮

夕峰隱景夜壑遷舟鵬龍轉旆口口迴輶式鏤翠石永

樹芳猷書甚剝泐其文為于志寧所撰以前有黎陽公子四

字尚隱約可辨也額篆書文正書不知爲誰某矣中
惟築下改木從亏驕旁易馬爲女頗覺新異張琮字

文瑾武威姑臧人除睦州刺史未到官而卒唐史有

傳抱經堂文集

右陸州刺史張琮碑碑出於近時趙子函顧寧人二

家於秦中石刻搜剔最夥亦未見斯碑也琮家世貴

顯姻連天家且有從征之功而姓名不載於新舊史

非神道復出于千有餘年之後琮且泯沒以終古矣

韓退之誌張季友墓云其上世有髡者當宇文時爲
車騎大將軍鄜城太守卒葬河北諡曰忠公與碑所

稱官諡小異此碑時代尚近宜得其真隋書地理志

上郡後魏置東秦州後改爲北華州西魏改爲敷州

大業二年改爲鄜城郡今觀此碑則周時已有鄜城

郡之名矣文云騁其豕突以騁爲騁以突爲突也云

建德餘孽以孽爲孽也云哥兩岐于全吳以哥爲歌

也云茂鄧林而聳幹以幹爲幹也云未嘗富貴嬌人

以嬌爲驕也云高宴瑤池以宴爲宴也

潛研堂金石文跋尾

張琮碑予向未有拓本癸丑歲館東昌及門天津吳

生仲蘭以所蓄善本請予書跋案琮新舊唐書俱不

爲立傳其歷官始末見于碑者有曰左三總管其職

不見史志舊唐書尉遲敬德傳爲左一馬軍總管程
知節傳領左一馬軍總管今此職豈與是相類與唐
書兵志高祖初起開大將軍府以建成爲左領大都
督領左三軍燧煌公爲右領大都督領右三軍左三
總管殆隸于大都督爲其屬貳與碑稱王世充不避
世字太宗本紀己巳令曰依禮二名不偏諱近代已
來兩字兼避廢闕已多率意而行有違經典其官號
名人公私文籍有世民兩字不連續者并不須諱然
則初令之行當時遵奉見于碑者信可徵矣

授堂金
石跋

按此碑首題僅存唐字光字刺史上柱字餘皆缺

泐文亦但稱君諱琮字文瑾武威姑臧人也不署

姓某雍州金石記所見拓本有張府君碑字知其

爲張琮也琮及其曾祖誼祖嵩父辯魏周隋書北

史及兩唐書俱無傳不能詳攷祖母李景皇帝之

女景皇帝者高祖之祖諱虎于太宗爲曾祖則其

女爲太宗之祖姑也而追贈信都郡大長公主史

亦不書琮以貞觀十一年薨年五十五則其生在

隋開皇三年推其曾祖仕魏當在西魏朝以其官

涼州刺史也祖仕周爲鄜城郡太守周紀戰伐只

書東伐齊及宣政元年突厥入寇幽州事此外別

無用兵之時文稱祖暉死王事不知其死于何年
之王事也父辯仕隨官潭州總管隋書地理志長
沙郡舊置湘州平陳置潭州總管府大業初府廢
隋文帝平陳在開皇九年則辯之仕隨在開皇九
年以後大業以前也文稱公釋褐隨奮武尉于時
東夷未賓阻遼爲固場帝親馭貔貅以誅梟鏡場
帝紀載問罪遼左事在大業七年冬及八年春則
琮時已三十歲矣文又有劉武周稱兵馬邑云云
唐書高祖本紀平劉武周乃武德三年事平王世
充等乃武德四年事唐書兵志武德初始置軍府
以驃騎車騎兩將軍府領之百官志親衛之府一
曰親府勳衛之府二一曰勳一府二曰勳二府翊
衛之府二一曰翊一府二曰翊二府凡五府每府
中郎將一人正四品下此云左衛中郎將未知其
爲勳府爲翊府抑勳府之一府二府翊府之一府
二府也又左右驍衛上將軍左右武衛上將軍左
右威衛上將軍左右領軍衛上將軍俱有左右翊
中郎將府官同驍騎不知卽此左衛中郎將否也
又左右衛有驍衛武衛威衛領軍衛之別各有長
史一人此云除左衛長史不知其何衛也上柱國

勲視正二品開國縣侯爵從三品食邑當千戶開
國縣伯則食邑七百戶此以縣侯而食邑同於縣
伯何也雲摩將軍爲武階從三品銀青光祿大夫
爲文階從三品蓋用爲刺史故改授文階而品則
仍從三品睦州爲上州上州刺史本從三品然則
上柱國之勲加于階一等也琮以貞觀十一年十
二月薨于宋州館舍至十三年二月始遷厝始平
之原是畱於宋州者一年餘矣始平縣名屬京兆
郡後更名興平與咸陽爲隣然則今碑所在之咸
陽雙照村在唐時屬始平縣也文於諱字上稱君
以下並稱公一文而君公互稱亦一例也碑書祖
高官鄜城郡太守謚莊公莊當卽莊字之省似非
壯字臬鏡卽臬鏡通用字徒懷作徒懷別體字

姜行本碑

碑連額高七尺二寸廣三尺二寸十八
行行四十七字文及額俱正書在哈密

大唐左屯衛將軍姜行本勒石口口文
昔凶奴不滅竇將軍勒燕山之功闡越未清馬伏波樹
銅柱之迹然則振英風於絕域申壯節於異方莫不騰
茂實於千秋播芳猷於萬古者矣
大唐德合儀
道高五帝握金鏡以朝萬國調玉燭以馭兆民濟濟衣

寇煌煌禮樂車書順軌扶桑之表俱同口化所沾濛汜
之鄉成暨苑天山而池口海內北戶以靜函都莫不解
辮髮於藁街改左衽於夷口高昌國者乃是兩漢屯田
之壁遺兵之所居魏文泰卽其苗裔也往因晉室多難
群雄競馳中原之主邊隅遂隔開屆口口口口口玉塵
口至今靡口口口口口皇威遠被替賴來庭雖沐仁
風情懷首鼠杜遠方之職貢阻重譯之往來肆口狼之
心起蜂蠆之口口口口口衆庶賊殺無已口口口口口
申茲弔伐乃口口口口口詔使持節光祿大夫吏部尚書上柱國
陳國公侯君集交河道行軍大總管副總管左屯衛大
將軍上柱國永安郡開國公薛萬均副總管左屯衛將
軍上柱國通川縣開國男姜行本等爰整三軍龔行天
罰口妖氛未殛將軍逞七縱之威百雉作固英奇由九
攻之略以通川公深謀開出妙思縱橫命口口前軍營造
攻具乃統沙州刺史上柱國望都縣開國侯劉德敏右
監門中郎將上柱國淮安縣開國公衡智錫左屯衛中
郎將上柱國富陽縣開國伯屈昉左武侯郎將李海岸
前開州刺史時德衡右監門府長王進威等並率驍雄
鼓行而進以貞觀十四年五月十日師次伊吾時羅漫
山北登黑紺所未盈旬月尅成奇功伐木則山林燿盡

叱咤則川谷蕩薄衝梯蹙口百口冰口機槍一發千石
雲飛墨翟之拒無施公輸之妙詎比大惣管運籌帷幄
繼以中軍鐵騎巨原野金鼓動天地高旗弊日長鼓蔽
雲自秦漢出師未有如斯之盛也班定遠之通西域故
述罕存鄭都護之滅車師空聞前史雖苗世著彼獨何
人乃勒石紀功傳諸不朽其詞曰

於赫大唐受天明命化濟得口功無與竟荒服猶阻夷
居不定乃拜將軍殲茲梟鏡其六奇口思群雄逞力陣
開龍口營口口口口麗星光旗明日色揚旌塞表振威
西撼其峨峨峻嶺眇眇平原塞雲暝結胡風晝口口口

口口高樹口口銘功讚德口口口口

貞觀十四年歲次庚子口六月丁卯朔廿五日辛卯
立

瓜州司法叅軍河內司馬口口口口口口

碑左側

側寬四
寸二行

交河道行軍惣管左驍衛將軍口口口口口口口口

口口吳仁領右軍口口口口

交河道行軍惣管左武衛將軍上柱國口口縣開國

公牛進達領兵十五万

高昌之役爲行軍副總管出伊州距柳谷百里依山造攻械增損舊法械益精其處有漢班超紀功碑行本磨去古刻更刊頌陳國威靈遂與侯君集進平高

昌唐書姜行本傳

碑嶺上有唐碑文多駁落尚存侯君集領十四萬軍

等字一統志

闕石圖者番語碑也嶺上有唐侯君集領兵四十萬

西征之碑而字已剝落不成文矣使西域記奉

此卽太宗詔伐高昌麴文泰事也唐書高昌傳稱侯

君集爲交河道大總管薛萬均薩孤吳仁副之契苾

何力爲葱山道副大總管牛進達爲行軍總管率突

厥契苾騎數萬討之據此云口孤吳仁領右軍十五

萬牛進達領兵十五萬與史言相合中叙君集封陳

國公行本封通川縣男史俱不及文後有瓜州司法

叅軍河內司馬太真詞具行當爲撰文人姓名關中金石

記

右姜行本紀功碑文多剝落攷唐書姜行本傳高昌

之役磨去古刻更刊頌陳國威靈卽此碑也行本嘗

封通川縣男新舊史皆失載碑今在哈密城北天山

之麓土人名闕石圖漢言碑嶺也侯君集傳稱高昌

平君集刻石紀功乃別是一碑今已無存舊一統志
誤以此卽君集所刻乃云高昌卽土魯番地東去哈
密尚一千五百里此嶺在天山上當是君集旣平高
昌凱旋而東過此山因而勒石倣竇憲勒銘燕然之
意震耀武功非勒石於高昌國都今按碑額題大唐
左屯衛將軍姜行本勒石紀文則非君集所刻明甚
君集克高昌在八月癸酉而碑立於六月辛卯蓋在
進兵之時亦非凱旋後所刻也唐書西域傳拜侯君
集爲交河道大總管左屯衛大將軍薛萬均薩孤吳
仁副之碑無薩孤吳仁名疑西域傳誤

潛研堂金石文跋尾

按碑番言科舍圖故又名科舍圖嶺今屬巴里坤
統志高昌卽吐魯番地東去哈密尚一千二百里哈
密唐時伊州伊吾縣自貞觀四年內附卽置州縣此
嶺在天山上當時君集旣平高昌凱旋而東過此山
因而勒石唐書侯君集傳及西域傳所云刻石紀功
卽指此碑當時必以天山高峻倣竇憲勒銘燕然之
意震耀武功非勒石於高昌國都者據此則今哈密
北碑嶺之碑宜立於平高昌凱旋後也然考唐書太
宗紀貞觀十三年十二月壬申侯君集爲交河道行
軍大總管以伐高昌十四年八月癸酉克高昌九月

癸卯赦高昌部十二月丁酉侯君集俘高昌王以獻
西域傳高昌捷書聞天子大悅君集勒石紀功凱而
旋俘智盛君臣獻觀德殿行飲至禮侯君集傳高昌
平君集勒石紀功還以此叅互求之是侯君集勒石
紀功當在八月癸酉以後而今碑嶺之碑石刻六月
辛卯可知其非一碑更以姜行本傳磨班碑更刊頌
之文考之則此碑之建當在伊州造械之際進平高
昌之前卽按碑文所載僅侈軍容未陳凱績亦相符
合然則侯君集平高昌紀功當別有刻石未可云卽
指此碑而當日紀功之碑亦未必不立於高昌國都
也 碑在遠方摹拓者少近時錢少詹事嘗跋其文
云碑多剝落以余推之僅十餘字墨濕暈不可識案
文內所序事跡始末云高昌國者乃是兩漢屯田之
壁遺民之所居麴文泰卽其酋豪也又云雖沐仁風
情懷首鼠杜遠方之職貢阻重譯之往來唐書西域
傳文泰與西突厥通凡西域朝貢道其國咸見壅掠
伊吾嘗臣西突厥至是內屬文泰與葉護共擊之帝
下詔讓其反覆今碑所指是也錢君指碑無薩孤吳
仁名疑西域傳誤案碑前二行於正文不屬題云交
河道行軍總管左武衛將軍上柱國口城縣開口公

金石錄卷四十五
唐書載武衛將軍牛進達爲行軍總率突厥契苾數萬討之合則當時二人名固在也但諦認此二行字不似碑正文或行本自紀其功而二人班師後另書名於此爾行本傳高昌之役出伊州距柳谷百里其處有漢班超紀功碑行本磨去古刻更刊頌陳國威靈今碑式與裴岑紀功碑相類信爲漢製無疑行本粗莽可爲嘆息也

授堂金
石跋

按此碑乃姜行本伐高昌時道過天山所立也是時帥師者侯君集而碑文則專紀姜行本營造攻真之功也新唐書姜暮傳暮子確字行本以字顯貞觀中爲將作少監護作九成洛陽宮及諸苑籞以幹力稱蓋其智巧精于營造者也其伐高昌造攻械事與碑合侯君集傳新舊史俱言先封潞國公後授陳州刺史改封陳國公關中金石志謂史不及者偶失檢也侯君集薛萬鈞史皆與碑合劉德敏以下俱無攷行本傳雖云行本磨去古刻更刊頌陳國威靈而碑文詳叙行本造械云機櫓一發千石雲飛墨翟之拒無施公輸之巧詎比似是

從征者所頌并非行本所自爲也嘉興許燦晦堂
詩鈔有漢唐紀功碑詩云周郎從軍越絕塞好古
所至窮蒐羅古碑出見豈偶爾鑿地竟得雙嵯峨
詩作於康熙間是漢唐一碑出土同在一時漢碑
未嘗磨去也原註云漢碑文云維漢永和二年八
月燉煌太守雲中裴岑將郡兵三千人誅呼衍王
等斬馘部衆克敵全師除西域之灾蠲四郡之害
邊境又安據威到此立海祠以表萬世唐碑前題
云大唐左屯衛將軍姜行本勒石紀文末題歲月
云大唐貞觀十四年歲次庚子六月丁卯朔二十
五日辛卯云云又文中紀三總管銜名悉與此碑
合又乾隆間錢塘施養浩出塞存稿有邊碑詩自
註云巴里坤漢碑惟漢永和二年八月敦煌太守
雲中裴岑將郡卒三千人誅呼衍王壽建祠以誌
萬世云原本湮沒今西門外廟僧立石殿階陋劣
可笑雍正九年大將軍查郎阿以南山達坂陡峻
不能運車糧乃相度山形開鑿以通之山巔得唐
碑係貞觀十四年伐高昌鞠文泰左屯衛將軍姜
行本勒石紀文碑字多殘闕據此則唐碑尚存而
漢碑非其舊矣兩說不同如此要之行本傳稱磨

者另一班碑非卽永和二年裴岑碑所更刊頌之
文亦另有一碑非卽此碑也碑云高昌國者乃是
兩漢屯田之壁遺兵之所居麴文泰卽其苗裔也
舊唐書傳高昌者漢車師前王之庭後漢戊巳校
尉之故地交河城前王庭田地城校尉城也然則
侯君集爲交河道行軍大總管是所伐乃前王庭
矣傳又稱其王麴伯雅卽後魏時高昌王嘉之六
世孫隋煬帝時以戚屬宇文氏女爲華容公主妻
之武德二年伯雅死子文泰嗣貞觀時西戎諸國
來朝貢者皆塗經高昌文泰後稍壅絕之卽碑所
云杜遠方之職貢阻重譯之往來者是也此碑及
漢裴岑碑自岳鍾琪查郎阿兩將軍出塞以後始
知西域有此二碑而流傳尚少戶部侍郎裘公曰
修出塞測量道里攜兩碑以歸嗣後往來者購求
攜帶流傳稍廣矣碑書芳猷作芳馥苑天山苑卽
苑字愍彼蒼生愍當作愍廣韻愍聰也與愍字義
別此殆避太宗諱借愍爲愍也率卽率字機檢一
發千石雲飛者左傳檠動而鼓音釋又作檠建大
木置石其上發機以鎚敵者也高旗弊日弊卽蔽
字

伊闕佛龕碑

高一丈六寸廣六尺六寸五分三十二行行五十一字正書額題伊闕佛龕之碑篆書在洛陽伊闕

口夫藏室口閣之舊典蓬萊宛委之遺文其教始於六
經其流口於百氏莫不美天地爲廣大嘉富貴爲崇高
口物致用則上聖口口發育御氣乘雲則列仙體其變
化茲乃盡域中之事業殫方外之天府踰繫表而稱篤
論口帝先而謂躬神豈非徇淼漫於埴井者未從海若
而泳天地也矜峻極於塊鼻者未託山祇而窺地軸也
烏識夫無邊慧日垂鴻暉於四衢無相法寶韞善價於
三藏泊乎出口口之外寂焉超筌蹄之表三界方於禹
跡也猶大林之匹豪端四天視於侯服也若龍宮之芳
蝸舍升彼岸而捨六度則周孔尚溺於口淪證常樂而
捐一乘則松高莫追其軌徹由是見真如之寂滅悟俗
諦之幻化八儒三墨之所稱其人填口隴矣柱史園吏
之所述其口猶糠粃矣若夫七覺開口口正分塗離生
滅而降靈排色空而現相唯妙也掩室以標其實唯神
也降魔以顯其權故登十号而御六口絕智於無形之
口口口口而冥五道應物於有爲之域是以慈悲所及
踰恒沙而同跬步業緣旣啓積僧祇而比崇朝故能使
百億日月蕩無明於口口口口口口隋法雲於下土然

則功成道樹非練金之初跡滅堅林豈斷籌之末功既
成俟與典而垂範跡既滅假靈儀而圖妙是口口口口
口口其化於迦維載飾丹青發其善於震旦繩繩乎方
便之力至矣巍巍乎饒益之義大矣
文德皇后

道高軒曜口口口口淑聖表於無疆柔明極於光大沙
麓蕃社塗山發祥來翼家邦嗣徽而贊王口聿修陰教
正位而叶帝圖求賢顯重輪之明逮下口厚載之德忠
謀著於房闈口敬申於
宗祀至誠所感清胡魄於

上至柔所被蕩震騰於下心繫憂勤行歸儉約胎教口
口本枝冠於三代闡政攸叙宮掖光於二南陋錦繪之
華身安大帛賤珠玉之寶志絕名璫九族所以增睦萬
邦所以至道宏覽圖籍雅好藝文酌黃老之清靜窮詩
書之溥博立德之茂合大兩儀立言之美齊明五緯加
以宿殖遠因早成妙果降神渭渙明四諦以契無生應
蹟昭陽馳三車以濟有結故縣區表剝帑金猶須達之
園排空散花踊現同多寶之塔諒以高視四禪俯輕末
利深入八藏顧口勝鬘豈止釐降揚麤軼有媯之二女
載祀騰實越高辛之四妃而已扶左武侯大將軍相州
都督雍州牧魏王體明德以居宗膺茂親而作屏發暉
才藝兼苞禮樂朝讀百篇摠九流於學海日摘三賦備

萬物於詞林驅魯衛以駿鑣馭梁楚使扶輶長人稱善
□□千里之□通神曰孝橫□四海之濱結巨痛於風
枝纏深哀於霜露陽陵永翳懷鏡險而不追闕宮如在
望階除而增慕思欲弭口驚岳申陟屺之悲鼓柅龍池
寄寒泉之思方願捨白亭而遐舉瑩明珠於兜率度黃
陵而撫運蔭寶樹於安養博求報恩之津歷邀集靈之
域以爲百王建國圖大必揆於中州千尊託生成道不
□於邊地惟此三川寔總六合王城設險曲鼻營定鼎
之基伊闕帶同文命闕襄陵之□穹隆極天崢嶸無景
幽林招隱洞穴藏金雲生翠谷橫石室而成蓋霞舒丹
嶽臨松門而建撫密基拒於嵩山依希雪嶺□流注於
德水仞佛連河斯固真俗之名區人祇之絕境也王乃
罄心而宏喜捨開藏而散龜貝楚般竭其思宋墨騁其
奇疏絕僻於玉繩之表而靈龕星列雕□石於金波之
外而尊容月舉或仍舊而增嚴或維新而極妙白豪流
明掩蓮花之質紺髮揚暉分檀林之侶是故近瞻寶相
儼若全身遠鑒神光湛如留影啖鏤玉之爲劣鄙刻檀
之未工杲杲焉踰日輪之麗長漢峨峨焉邁金山之耿
巨壑耆闍在日邨竭可想寶花降祥蔽□雲之色天樂
振響奮□□之音是以覩法身之妙而八難自殫聞大

覺之風而六天可陟非正真者其孰能與於此也善建
佛事以報鞠□之慈廣修福□以□□提之業非純孝
者其孰能與於此也昔簡狄生商既□迴於名相公且
昨魯亦□遁於國城猶且雅頌□其功同和於天地管
弦詠其德□□鬼神况乎慧燈普照甘露徧灑任姒
尊名具之以妙覺閔平茂實成之以種智是用勒紺碣
於不朽譬彼法幢陳讚述於無窮□□□俾夫衣銷
劫□與金剛而比堅芬納須弥隨鐵□□齊固□□□
□迺作頌曰

十号開緒二諦分源有爲非寶無相稱尊光宅沙界大
居給園仁舟戡溺智炬排昏緣發現足□終還淨色身
斲掩靈照遠鏡布金降真攻玉圖聖五道有截三乘無
競 帝唐御紀文以定祥功濟赤縣德穆紫房十品
散馥三慧騰光廣闢香地載紐元綱卓爾英王□□茂
則丹青神甸鹽梅王國擲□□□橫海□德孝思不匱
報恩冈忒聿修淨業于茲勝境梯危紫□□翠嶺□
石表相因山摹□□□雖遙求心寧永豪□□□□
□□□祇樹樓似增□飛泉灑漢危石臨星巖垂日
近松□□□宣勝業載圓邪山滅地傾下關

唐起居郎褚遂良書三龕記字畫尤奇偉在河南龍

門山山夾伊水東西可愛壁間鑿石爲佛像後魏及唐時所造惟此三龕像最大乃魏王泰爲長孫皇后

造也

集古錄

龍門山鐫石爲佛像無慮萬計石窟最大者今名賓暘洞像尤高大洞外石崖高處有刻字拓之得二十餘行首尾不具不知年月姓名按集古錄有三龕記貞觀十五年魏王泰爲長孫皇后造岑文本撰銘褚遂良書今拓本有聿修陰德等語又有左武侯大將軍相州都督雍州牧魏王及懷鏡奩而不追云云知

卽此記也

金石文
字記

集古錄有貞觀十五年三龕記云唐兼中書侍郎岑文本撰起居郎褚遂良書字畫尤奇偉三龕像最大乃魏王泰爲長孫皇后造也寶刻類編云貞觀十五年十一月磨崖刻今缺撰人年月据此書知洛陽縣志云賓陽洞舊有岑文本三龕石刻今失者誤也額篆書闕字作闕字謬甚碑稱文德皇后道高軒曜云云又稱左武侯大將軍相州都督雍州牧魏王卽魏王泰予以丙午秋日閱視兵伍因過伊闕山訪賓陽洞見泰所造三龕佛像大五六丈其伊闕夾水兩岸石龕佛像數百皆後魏及唐世所鑿也龕之旁側往

往有刻字惜不能徧窮其勝因憶水經注稱闕左壁有石銘云黃初四年六月二十四日辛巳大出水舉高四丈五尺右壁又有石銘云永康五年河南府君循大禹之軌部督郵辛曜新城令王琨部監作掾董猗李褒斬岸開石平通伊闕石文尚存也疑此刻磨崖不致失墜好古之士訪之當或能見焉故附識于

此

中州金石記

碑在賓陽洞之南磨崖刊此石近亦損裂惜無年月可案集古錄謂魏王泰爲長孫皇后造者在貞觀十五年攷十七年泰卽降王東萊今記書左武侯大將軍相州都督雍州牧魏王知此碑自十年長孫后旣崩以後而泰猶未獲罪降徙時爲近之但必于十五年未審歐陽子何據也

授堂金石跋

按舊唐書太宗諸子列傳濮王泰字惠褒太宗第

四子初封宜都王進封衛王改封越王授揚州大

都督貞觀五年兼領左武侯大都督並不之官八

年除雍州牧左武侯大將軍九年轉鄜州大都督

十年徙封魏王遙領相州都督十七年降封東萊

郡王此碑稱左武侯大將軍相州都督雍州牧魏

王則立碑當在貞觀十年以後十七年以前矣新

唐書稱太宗十四子文德皇后生第四子泰太宗
本紀貞觀十年六月己卯皇后長孫氏崩十一月
庚寅葬文德皇后于昭陵此碑爲文德皇后造寺
文有云結巨痛于風枝纏深哀于霜露陽陵永翳
懷鏡奩而不追闕宮如在望堦除而增慕是立碑
當距葬文德皇后不遠也碑云惟此三川寔總六
合史記秦紀莊襄王元年初置三川郡注河洛伊
也碑有中州伊闕字是指中州之三川也左傳守
闕塞字蘭膂大元大一統志引服虔注云南山伊
闕是也碑書峻作峻轍作徹崇基拒于嵩山拒嵩
作鉅發揮作發暉皆借用字臄魄作胡魄胡卽古
文臄字仿佛作仞佛仞卽籀文仿字白豪作白豪
豪本从高得聲說文作豪籀文作豪後人省作豪
也

段志元碑

碑連額高一丈九寸廣三尺九寸三十二行行六十
五字正書額題大唐故右衛大將軍揚州都督段公
之碑十六字篆書
在醴泉縣昭陵

唐故輔國大將軍右衛大將軍揚州都督襄忠壯公段
公碑銘

□□□□□□□□□□□□□□□□

蓋聞經邦致治必資輔相之士折衝禦侮寔賴將帥之
臣是以尚父鷹揚□□於□□□□□□□□□□於
□□□□□□□□□□□□□□□□□□□□□□
□□聲稱頌騰芳史冊存與日月爭暉沒與金石不朽
至於拔萃著美塞旗馳譽繼雲□□□□□□驍驍□□
軌其唯忠壯公乎公諱□字志元□□郡□□人也若
夫□宗隱嶙崇基冠於衆丘長河浩汗洪源導於積石
是以庭堅作士□周□伯陽之教干木作師東海□經
明之績煥乎方策豈不□歟祖□□□□□□□□川□
守德元□俗政治唯良考偃師散騎常侍益都縣開國
公贈洪州都督八州諸軍事謚信公勤邁□□功□□
□公□□極之秀氣□□□□□□□□□□孝□踐
□基於忠烈□表瓌奇器量宏遠峩峩焉猶曾峯之峙
嵩霍滔滔焉若清流之澄江漢故能齟年立志冠歲□
名質性方直□□於汲黯交結□□□□□□□□□□
隨大業□薄伐遼左公占募從征年始十四夫兵戰凶
危也遼碣遐阻也童牙而從兵戰忘□而涉遼碣□□
□識基於是矣 高祖道踰湯武□□□□ 今上地
兼魯衛爰始登庸公附翼方舉攀光旭旦委質邁奔走
之臣就列踰蜀漢□□□□□□頭朝散大夫從 上破

西河□朝□□□□破□老□於霍□遷銀青光祿
大夫昔舞陽策名從沛邑而力戰子衛效命臨昆陽而
先登□□茂勲方駕前列□與□□劉元靜破□□□
屈突通累遷□光祿□□□□□濟縣侯食邑□
千戶又從 上討薛舉劉武周以功授樂遊府驃騎將
軍進封武安郡公食邑并前二千戶公勇冠三軍氣高
□戰□馬電發則□□必□□□□□則□□□□是
以紆金章於巖廊苞舉樊鄴分桓珪於奧壤牢籠寇鄧
君子以爲宜哉又從 上□王世充□□□第一□□
□授□□□□尋□□□□□□□□ 上初踐

少陽無忘惟舊除左虞候率及膺寶命言念嘉庸拜左
驍衛將軍若乃盡□□□□□□□□□□□□□□
□召於往□□□□□□□□□□□□令孰能 恩

隆善賞禮優夜拜者哉俄賜別食封四百戶遷左驍衛
大將軍又爲梁州□□□雍岐□州□□□進封□
□公食邑□千戶□□食封□□戶通前□百戶又以
□官檢校原州都督又統承風道行軍討吐谷渾丁父
憂未幾起復本任 文德皇后山陵檢校□□□□
□□□□□□□□□□□□□□於□府加等
進秩□寵歲重於周行而司勳授冊天下所以勸善良

史執藺後昆所以欽風 □□覽前書□惟近代□□

□□貽□□□□□□□□□□□□□□□□

□特□金□諸軍事金州刺史子孫承襲改封襄國公

食邑如故與司徒趙國公等同受冊命從□□□

檢校武□大將軍尋遷□衛大將軍□□□□□□

□□□□□□齊聲內典鉤陳與辛趙而方軌非

聖帝不能疇茂績非奇才不能取高位於是見君臣之

合契唱和之如□焉又丁母憂□□□□□□□□

□□□□禮□著□劔□錡懷藜莪而疚心泣血苦廬

瞻几筵而增絕銜恤成疾致毀遠漸中使結徹於□□

□□□奇於藥劑 □□□心誓 慈深覆育親□鑿

□□□同旣班□貴又詣所言公銘戴 恩私對揚

忠到城郢之志豈惟楚臣慎赦之言寧慙□相旣而子

輿日□平仲不□類彼劉□□□宗□□□□□□

□□□□□□以貞觀十六年□月十八日薨於京師

之禮泉里第春秋卅五 上情深悼傷舉哀於別次雖

□□之□□孫□君之悲仁祖方之篋□□□□□

□□□之□□□於念功勸善之□寔深於追往故鏡

軍大將軍右衛大將軍襄國公段志元器宇敦確風略

沉毅□質運始□□□□效勇□於麾□□勤□□□

□□□□□□□□方□□歷永寄心膂與善冥默
 奄焉殞喪震悼之情倍深傷惜哀榮之典宜加恒數可
 贈輔國大將軍使持節都督楊和□潤常□□七州諸
 軍事□□□□官□□□於昭陵□□□塋地
 并東園祕器葬事所須並宜官給賻布絹五百段米粟
 一千石四品一人監護其儀仗送至墓所仍送□事

上又追懷功烈乃 詔司存圖形於戟武閣太常孝行

謚曰忠壯公禮也惟公氣岸崇峻□宇□深□樹幟旗

□懷□□□□□□□□□□□□□□猛志□□托

猊猶而靡懼高節邁俗觸雷霆而不驚遂乎河出馬圖

腰佩□紐爵兼千乘裂□□之膏腴位□□□漢庭

之榮寵□□□□□□□□□□之道克□於家國

仁義之風不愆於出內懷公孫之不伐慕孝甫之循情

行貳罰□晦其扛鼎之力言□木訥韜其涌泉之慮加

以彰睦宗族□□□□□□□□□□□□鄉黨□□

□□怨已以及物仁心天發輕財以濟窮豈非朝廷之

爪牙人□之領袖者已故吏□名等慨微音之遂往懷

遺愛而□□□請書□□□□□□□□□□□□

碑於□□□□□□猶勒銘於江表況乎誠著草昧功

叅征伐顧灌□而俯視□寇賈而長驅豈可使改名之

有□□□□□□之□□□□□□□□□□爲□
頌曰

方叔詠周條侯稱漢東都御錄昭伯翦亂西晉握圖□
治作翰美矣人傑於焉□□奇節自然瓌姿□發□□
□□□□□□□□方□日月氣薄霄漢□高雲
闕王業肇建□道旣融策名若水披荆漢中腰鞬靖難
提戟臨戎斬良□勇括羽定功鑄□□臧刑馬□□□
□□□入□□□□□□□□□□□□□□之榮超張
□許志大心小位隆德盛奉國忘身惴惴畢命事親竭
力蒸蒸表行莅事以勤臨下以敬銜恤在疚奪情□繼
瘡□愈遲毀□□□□□□□□□□盡□藏舟難□奔
義易吳 冤旒興哀縉紳掩淚恩踰九列禮亞三事何
以贈之戎章□侮何以送之鉦車按轡勒銘貞石義兼
庸器

右唐段志元碑以唐史考之多不合碑云公諱某字
志元而其名已殘缺然史初不載其名也碑云鄒平
人而史云臨淄人碑云謚忠壯而史云謚忠肅舊史
亦作忠壯與碑合又碑云圖形戢武閣按唐史及諸
書功臣圖形皆云凌烟閣初余得河間王元碑云圖
形戢武意謂凌烟先名戢武後改之爾今得斯碑亦

同由是益知前言之不謬二碑皆當時所立不應差
誤也

金石錄

公封褒國公時亦授金州刺史見舊唐書而新唐書亦削之何也且史云志元父偃師至郢州刺史碑云散騎常侍益都縣開國公贈洪州都督八州諸軍事謚信公碑云志元從破薛舉劉武周云云而史不書碑云謚忠壯舊史同而新史曰壯蕭其刺謬不合如此惜碑全者僅半尚未得詳考耳至如碑書撰俱無名氏書法雖方整不無少遜崔安上李藥師碑然于正書中時作一二筆分隸是六代遺習

石墨鐫華

段公碑銘碑下半已磨泐可讀者千字而已

雍州金石記

右碑篆額正書書撰人姓名皆不見据寶刻叢編所云則本無姓名也碑之下段今已殘缺余但得其上段關中金石記云唐書本傳云臨淄人此作鄒平傳云謚忠肅此作忠壯今余碑不見有鄒平人三字當是下段中亦有數字可辨者搨工以其模糊太甚而竟棄之耳

抱經堂文集

碑殘剝拓本今惟存其半尚約略粗可推認如碑近載志元歷官與史詳略異然史既云父偃師仕隋爲太原司法書佐從義師官至郢州刺史今碑則云散

騎常侍益都縣開國公贈洪州都督八州諸軍事又與本傳不同然以宰相世系表考之又云偃師太子家令皆參差不合如此表或據其家牒採入亦無足疑者惟碑云志元左驍衛大將軍本傳與碑合而表作右驍衛則傳爲是表爲誤碑云謚忠壯舊唐書同今表亦作忠壯與碑合而本傳乃云謚壯肅則表爲是傳爲誤此又可參校以證者也新唐書太宗本紀貞觀十七年戊申圖功臣於凌烟閣志元圖形附見秦叔寶傳後檢此碑文又云詔司存圖形戢武閣碑立在貞觀十六年當時尚未圖形凌烟早已圖于此

問而戢武之名本傳不書蓋闕錄也 金石錄

河間元王碑云唐初功臣皆云圖形凌烟閣而此碑乃作戢武閣戢武之名不見于他書惟當時石刻數數有之豈凌烟先名戢武而後改之耶與此碑同

授金石

按此碑文約一千字殘缺其半凡遇叙事紀要處皆遭磨泐今据其所存字攷之碑云公諱口字志元缺其諱一字其薨後追卹之詔又直稱段志元似係初別有諱後以字行故新舊唐書傳但云段志元不云別有諱也碑云某郡某縣人缺其地名

關中金石記尚見有鄒平字與金石錄合兩唐書
俱作齊州臨淄人舊唐書地理志武德元年置鄒
州領臨濟蒲臺高苑長山鄒平五縣八年廢鄒州
鄒平屬譚州譚州廢屬淄州臨淄縣屬青州頗疑
傳稱齊州臨淄是臨濟之譌蓋武德初臨濟與鄒
平同屬鄒州兩邑地近里貫可以互稱若臨淄屬
青州道里旣懸殊而又不云有遷籍之事然碑又
稱偃師封益都縣公當時封國多從其鄉益都與
臨淄同屬青州似臨淄不誤則亦當云青州臨淄
不得謂之齊州臨淄矣宰相世系表則云段氏世
居武威至後魏晉興太守紛五世孫偃師徙河南
以齊州青州皆屬河南道也碑缺其祖諱但有川
字守字德元口俗政治唯良字則是嘗守口川而
表與傳俱不載偃師之父名無從攷矣碑云隨大
業薄伐遼左公占募從征年始十四志元薨于貞
觀十六年年四十五推其生在隋文帝開皇十八
年煬帝伐遼之舉在大業七年時志元正十四歲
也傳則畧而不書徑叙其以千人從高祖而已碑
稱討薛舉劉武周授樂遊府驃騎將軍進封武安
郡公傳但書官不書爵遷左驍衛大將軍下有又

爲梁州雍岐州等字其進封字泐傳但云封樊國
公而已且檢校原州都督統承風道行軍討吐谷
渾父憂起復後又丁母憂成疾傳皆不書餘則碑
傳互有詳畧末云故吏□名等慨徽音之遂往懷
遺愛而□□請書云云則是碑爲故吏所立請書
之下必有撰人姓名惜皆泐也銘內奔義易旻義
卽曦字

金石萃編卷四十五終

